



Inatsisartuni ilaasortaq, Justus Hansen, Demokraatit

/Maani

**Tunumi kiffartuussinissamut isumaqatigiissutit pillugit § 37 naapertorlugu
apeqquteqaatinut akissut.**

Brevdato: 06-12-2016
Sags nr.: 2016 - 17931
Dok. nr. 15404335

Asasara Justus,

Postboks 909
3900 Nuuk

Tlf.: (+299) 34 50 00
E-mail: box909@nanoq.gl
www.naalakkersuisut.gl

Tunumi kiffartuussinissamut isumaqatigiissutit pillugit apeqqutinnut, Inatsisartut suleriaasianni § 37 naapertorlugu nassiusannut qujanaq.

Apeqquut 1.

Tunumi timmisartuussinermi timmisartut qanoq ittut atorneqarnissaat naatsorsuutigineqarpat kiffartuussinermut isumaqatigiissutit nutaat kinguneranik?

Akissut:

Nordlandair-ip, Nerlerit Inaannut ilaasunik angallassinermi kiffartuussinermut isumaqati-
giisummut ajugaasuusup, ukiortaamiit Islandimi Akureyri-it sullinneqartussap pingaartu-
mik timmisartoq Twin Otter atussavaa.

Ittoqqortoormiit aamma Nerlerit Inaata akornanni qulimiguulimmik angallavik suli Air
Greenlandimit maannatut sullissivigineqassaaq.

Tunumi illoqarfii tunaaqarfiallu sinneri suli Air Greenlandimit maannatut sullissivigineqas-
sapput, taamaattumillu ullumikkumut naleqqiullutik allannguuteqartinneqassanngillat.

Apeqquut 2.

**Tunumi illoqarfii tunaaqarfiallu akornanni timmisartuussisarnerit qanoq akuttuti-
gissappat?**

Akissut:

Norlandair sapaatit akunnerannut ikinnerpaamik marloriarluni Nerlerit Inaannut timmisar-
tuussisassaaq, tamannalu maanna pissutsinik atuuttunik pitsanguineruvoq. Air
Greenlandip Ittoqqortoormiiniit Nerlerit Inaannut attaveqarneq taanna malillugu naleq-
quassaavigissavaa.

Tunumi illoqarfii tunaaqarfiallu sinneri maannatut sullinneqassapput.

Apeqquut 3.

Ullumikkut akinut naleqqiullugu akeq qanoq issappat?

Akissut:

Nordlandair-ip 2017-imni angallavinni timmisartuussinissamut bilitsinik ulluni qaninnerni
tuniniaalernissaa naatsorsuutigineqarpoq, taakkunani lu bilitsinut akit allassimassapput.

Neqerooruteqartitsinermi kiffartuussinissamut isumaqatigiissuteqarfiusuni timmisartus-sinerit ullumikkornit angalasunut akisunerunnginnissaat Naalakkersuisunit pingartinne-qarpoq, taamaattumillu akinik qaffaasoqassanngilaq.

Apeqqut 4.

Kulusummiik Kulusummullu timmisartuussinermi qanoq sivisutigisumik utaqqi-soqartarnissaa naatsorsuutigineqarpa?

Akissut:

Kulusummi pissutsit ullumikkutut iinnassapput..

Apeqqut 5.

Qanoq iliortoqarpat qularnaarumallugu timmisartuussinermik suliaqartut assigiin-ngitsut suleqatigiinnissaat piffissanut pilersarut nassatanillu kiffartuussinissaq eqqarsaatigalugit?

Akissut:

Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoqarfik, Mittarfeqarfiiit sullissisullu maannarpiaq isumaqatigiissutinik kingullernik inissiiniarlutik sulipput, tassanilu akuusunut tamanut pitsaanerpaanik aaqqiis-suteqarnissaq siunnerfigineqarpoq. Akuusunit tamanit suleqatigiinnerup pitsaanerpaap anguneqarnissaq soqutigilluarneqartoq Naalakkersuisut maluginiarpaat. Sullissisut kif-fartuussinermik isumaqatigiissutit naapertorlugit angallannerup kiffartuussinermut isu-maqatigiissutinik pigisaqartunut taamaatullu angallavimmut niuerermik tunngaveqartu-mut ataqatigiissaarnissaanut naleqqussarnissaannullu pisussaaffeqarput.

Apeqqut 6.

Naalakkersuisut Tunumi kiffartuussinermut isumaqatigiissutinut attuumassute-qartunik allanik oqaatigisaqarsinnaanerlutik?

Akissut:

Novembarip qaammataani Ittoqqortoormiini innuttaasut kinguaattoornerni inissinneqar-nissamut nerisaqarnissamullu qulakkeerivigineqarnissaq pillugu Kommuneqarfik Ser-mersumut saaffiginnipput.

2017-imut Aningaasanut Inatsisip akuerineqernerani kiffartuussinissamut isumaqatigiissutit tamakkiisumik pitsannguutissaannik arlalinnik sulinuteqartoqarnissaakuersissuti-gineqarpoq. Tassunga ilanngullugu ajornartorsiitit Ittoqqortoormiini innuttaasunit saq-qummiunneqartut aalajangersimasumik tunngavigalugit aningaasalersuinissamut tun-ngaivissanik pilersitsisoqarpoq. Taamaalillunga maanna uppernarsarsinnaalerpara, a-ngallaviit kiffartuussinissamut isumaqatigiissuteqarfiusut angallaviillu niuerermik tun-ngaiveqartut akornanni kinguaattoqartillugu Ittoqqortoormiini innuttaasut inissinne

qarnissamut nerisaqarnissamullu qulakkeeriviginiarlugit najoqqutassiornissamut sullissi-
sut pisussaaffii aningaasaliissutilu immikkoortinnejartut qulakkeerneqarsinnaalerma.

Inussiarnersumik inuullaqqusillunga


Martha Lund Olsen